

**Razvojna banka Federacije
Bosne i Hercegovine
Predsjednik Uprave**

Broj: 3234-IX/19
Sarajevo, 15.04.2019. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama ("Službeni glasnik BiH", br. 39/14), člana 8. stav (2) tačka d) Pravilnika o uspostavljanju i radu Komisije za nabavke (Službeni glasnik BiH broj 103/14), preporuke Komisije za nabavke iz Zapisnika o pregledu i ocjeni ponuda broj 3203-IX/19 od 11.04.2019. godine i člana 20. Statuta Razvojne banke Federacije Bosne i Hercegovine, u postupku javne nabavke usluga osiguranja službenih vozila Razvojne banke Federacije BiH, Predsjednik Uprave Razvojne banke Federacije BiH donosi

ODLUKU

**o izboru najpovoljnijeg ponuđača u postupku javne nabavke usluga osiguranja
službenih vozila Razvojne banke Federacije BiH**

Član 1.

Prihvata se preporuka Komisije za nabavke iz Zapisnika o pregledu i ocjeni ponuda broj 3203-IX/19 od 11.04.2019. godine i Ugovor za nabavku usluga osiguranja službenih vozila Razvojne banke Federacije BiH dodjeljuje se ponuđaču SARAJEVO-OSIGURANJE d.d. Sarajevo, Maršala Tita 29, 71000 Sarajevo, kao najpovoljnijem ponuđaču u konkurentskom zahtjevu za dostavu ponuda.

Član 2.

Ukupna ponuđena cijena Ugovora iz člana 1. ove odluke, iznosi 3.022,40 KM bez PDV-a.

Član 3.

Po okončanju roka za žalbu, ugovorni organ će s izabranim ponuđačem zaključiti ugovor kojim će regulisati međusobna prava i obaveze.

Član 4.

U skladu sa odredbama člana 70. stav (6) Zakona o javnim nabavkama, ugovorni organ će objaviti ovu odluku na svojoj web stranici www.rbfbih.ba, istovremeno s upućivanjem iste ponuđačima koji su sudjelovali u ovom postupku.

Član 5.

Ova odluka stupa na snagu danom donošenja i dostavlja se ponuđačima koji su sudjelovali u postupku javne nabavke, saglasno članu 71. stav (2) Zakona o javnim nabavkama.

OBRAZLOŽENJE

Odlukom o pokretanju postupka javne nabavke usluga osiguranja službenih vozila Razvojne banke Federacije BiH broj 2303-IX/19 od 18.3.2019. godine, odobreno je pokretanje postupka predmetne nabavke za potrebe Razvojne banke Federacije BiH.

Javna nabavka je provedena putem konkurentskog zahtjeva za dostavu ponuda, a kriterij za dodjelu ugovora je najniža cijena.

Procijenjena vrijednost nabavke iznosi 3.500,00 KM bez PDV-a.

Obavještenje o nabavci predmetnih usluga objavljeno je na Portalu javnih nabavki dana 20.3.2019. godine, broj obavještenja: 1011-7-2-192-3-8/19.

Tenderska dokumentacija objavljena je zajedno sa navedenim obavještenjem.

Odlukom Ugovornog organa broj 2633-III/19 od 29.3.2019. godine imenovana je Komisija za nabavke Razvojne banke Federacije BiH, a kojom su definisane njene nadležnosti koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Slijedom navedenog, Komisija za nabavke u okviru svojih nadležnosti i ovlaštenja je provela predmetni postupak nabavke, te o tome sačinila Zapisnik o pregledu i ocjeni ponuda u kojem je utvrđeno da su evidentirane 2 (dvije) pravovremeno pristigle ponude kako slijedi:

R. Br.	Naziv i sjedište ponuđača	Datum i sat prijema ponude	Cijena ponude (u KM)	Popust (u KM)	Ukupna cijena bez PDV-a (u KM)
1.	SARAJEVO-OSIGURANJE d.d. Sarajevo, Maršala Tita 29, 71000 Sarajevo	01.04.2019. godine u 15:25 h	3.022,40	0,00	3.022,40
2.	ADRIATIC OSIGURANJE d.d., Trg međunarodnog prijateljstva 20, 71000 Sarajevo	02.04.2019. godine u 10:15 h	5.747,26	0,00	5.747,26

Na osnovu izvršene analize i ocjene pristiglih ponuda, Komisija je utvrdila da su obje ponude prihvatljive, dostavljeni su svi traženi dokazi propisani tenderskom dokumentacijom i na način propisan tenderskom dokumentacijom, s tim da je ukupna vrijednost ponude ponuđača ADRIATIC OSIGURANJE d.d. veća od obezbijedenih sredstava za ovu nabavku.

S obzirom da je shodno članu 17. stav (7) tačka b) Uputstva za pripremu modela tenderske dokumentacije i ponuda (Službeni glasnik BiH broj 90/14) cijena ponude ponuđača SARAJEVO-OSIGURANJE d.d. Sarajevo za više od 20% niža od cijene drugorangirane prihvatljive ponude, te je Komisija za nabavke istu smatrala neprirodno niskom, Ugovorni organ je dana dana 3.4.2019. godine uputio dopis ponuđaču Sarajevo-Osiguranje d.d. Sarajevo kojim je traženo obrazloženje cijene ponude.

Dana 9.4.2019. godine dostavljeno je obrazloženje ponuđača SARAJEVO-OSIGURANJE d.d. Sarajevo kako je detaljno navedeno u Zapisniku o pregledu i ocjeni ponuda broj 3203-IX/19 od 11.4.2019. godine i za koje je Komisija za nabavke Ugovornog organa smatrala da je osnovano.

U postupku donošenja ove odluke posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti ponuđača, te pregled i ocjenu ponuda, u skladu sa kriterijima iz tenderske dokumentacije.

Imajući u vidu sve prethodno navedeno, a prvenstveno da je nakon pregleda i ocjene ponuda, u postupku predmetne nabavke, utvrđeno da je cijena ponude ponuđača SARAJEVO-OSIGURANJE d.d. Sarajevo u iznosu 3.022,40 KM bez PDV-a prema kriteriju za izbor ponude (najniža cijena) ocijenjena najpovoljnijom, primjenom člana 64. Zakona o javnim nabavkama stav (1) tačka b) i člana 70. stav (1), (3) i (6) Zakona o javnim nabavkama ("Službeni glasnik BiH", br. 39/14) odlučeno je kao u dispozitivu ove odluke.

Pouka o pravnom lijeku: Protiv ove Odluke može se izjaviti žalba u roku od 5 (pet) dana od dana prijema ove Odluke, saglasno članu 97. 99. i 101. Zakona. Žalba se podnosi u najmanje 3 (tri) primjerka.



Predsjednik Uprave

Salko Selman

Dostaviti:

- Učesnicima u postupku